

詩序

去夏予與子蓉翁山自羅浮還廣州始識月石
朱子于子蓉坐上恂恂然言不出諸口雅士也
其秋翁山歸自高涼爲予言與月石臯旭汎舟
鑑江水光際天月色如晝引觴叩舷相命爲詩
月石逸興豪上老筆健舉殆欲屈其座人予讀
其詩而羨之比月石以內艱歸姑蘇過予道別
解其裝得中露集一卷皆其游歷之詩也蓋常



北出塞垣歷嵩高泰華南極于海抑可謂好游者也其詩典質和適不爲過情之語讀可知其爲人而嶺外新作尤佳將詩之道久而益工抑有得于山川友朋之助耶近世作者務宏麗淵博以爲觀美然古所謂能賦乃或取三百篇之一二言而歌之彼其感觸事物不得已而有言浩然而發諸胸臆之間意盡而文止非徒務爲觀美也月石于詩得古人之旨哉今熒熒在憂

服中旣不獲相唱酬乃與翁山各序其詩以爲別道出雄州見臯旭子蓉取而示之誌予輩數人一時聚散南北落落如此可以嘆也

康熙十有二年癸丑夏日南海弟陳恭尹拜謨



中興中本二平於此其月南將領事
八一初張道山此恭崇城此可與樂
臨出華散其舉敗于若軍而示其
中此其舉此舉此舉此舉此舉此舉

小引

吾粵之高興郡有雲爐龍湫鑑江麗瀑南巴下
宮灣之勝士之遊其地者蓋莫不奮藻爲詩寫
其山川秀麗風氣高興者矣吾嘗與朱子月石
中秋之夕泛舟雙渚洲間月石持觴引滿懷女
將軍繡幡臨戰之風流溯潘仙人紫烟出井之
舊跡維時夕霏始散華月流空月石輒賦詩以
先賓客古調新聲洋洋盈耳而神明蕭爽意興

中書集
酣放覺爾時輕世肆志之致殊不可及郭子臯
旭在座歎曰今日乃見月石矣江邊人士亦爭
笑指曰是白頭而操吳音者爲誰何磊落而多
風也且謂自吳明卿使君以來百有餘年無此
佳會月石詩甚富今自輯遊覽之章百餘篇彙
爲一卷題曰中露集發而讀之清音亮節正變
不窮雖篇什不多而泱泱大國之風于斯可見
高興少府戴公怡濤見而愛之將梓以傳昔太

白著紫綺裘乘月放舟采石尋孫楚酒樓後人
讀其詩想見其翩翩高趣爲一代異人吾知天
下人讀月石詩亦將有求月石之爲人於詩之
外者矣

康熙癸丑仲夏番禺弟屈大均拜書



中露集

吳趨朱瞻二慎氏藁

舊名陵
字月石

古吳金俊明季章南海陳恭尹元孝

全閱

瀨江戴夢賜怡濤番禺屈大均翁山

渡江

擊楫來江上。傷哉游子心。亂雲搖客況。飛鳥沒
秋陰。坐嘯空然老。行吟寄托深。羈愁誰得似。遙
影落孤岑。

賦得江上數峯青

野渡晴川晚。長空散夕陰。中流瀾欲濶。夾岸碧
侵深。帆落沉沉影。潮歸漠漠音。靈妃宵不見。蕭
瑟滿平林。

廣陵懷古

君不見楊廣當年臺榭多。廣陵處處貯嬌娥。月
落笙簧三百里。秋來香霧覆銀河。一朝摧墮豪
華歇。綺構朱甍委薜蘿。我過邗溝重回首。漢寢

唐宮亦何有。客子時稱瓊樹花。行人競說隋堤
柳。只今柳絮任飛揚。猶入深宮度曲房。枝頭顚
顚無顏色。悲歌無復憶遼陽。

淮上

淮水如山撼海月。奔波雷動驅嶽臬。一葦亂流
野渡遲。風雨橫來情慘切。孤帆縹緲去何之。目
極滔滔有所思。東南杼軸誰相恤。澤國常徵二
月絲。憶昔淮陰多少年。意氣常輕赤白丸。一時

金盡無顏色。至今漂母尚稱賢。下邳黃石依然在。孺子雄風應未改。天寒日暮月橫空。俠客猶聞舊朱亥。

過石門子路宿處

若非賢至止。此地寂無名。爲問晨門處。徒多春草生。關山經百戰。河漢照孤城。却望長安道。迢迢萬古情。

長安秋望

西山爽氣滿皇州。蕭颯天風入暮愁。漢苑仍開承露掌。朔雲不散洗粧樓。金鋪翡翠巢寒月。玉沼芙蓉冷素秋。聞說長安時買賦。可堪司馬尚淹留。

遠游篇

安居鬱不樂。翹首肆翱翔。翱翔欲何之。徙倚復徬徨。會見高飛鳥。形容盛輝光。奮翮起扶搖。升雲游八荒。和鳴徹霄漢。振翮過扶桑。仰吸金莖

露俯啜玉壺漿。咳唾成珠玉。羽毛厲風霜。媿我
顛顛翼。咫尺困榆枋。願從叢桂側。聊借一枝藏。
上以避繒繳。下以沐蘭芳。更藉高風力。依倚拂
明璫。

寒夜東顧開一

朔風吹短髻。不寐靜相思。搖落悲同調。傷離共
此時。金臺宿草暗。渭水後車遲。莫慰淹留意。霜
天讀楚詞。

金臺送張水部蓴澈南歸

珍重梁園客。蕭蕭匹馬行。有懷頻北望。無事且
南征。歲暮歸心切。天涯別恨輕。風塵吾道在。萬
里足平生。

金臺社集病阻感賦

西園飛蓋盛追游。尊酒殷勤未擬酬。自惜頻年
梁苑客。翻教伏枕茂陵秋。窺簾澹月虛涵白。繞
砌吟蛩暮轉愁。一似當時王祭老。猶容詞賦擅

應劉

沈中翰允兼寓齋小飲

高館涼生。敞夕暉。琴樽潦倒。醉忘歸。徵歌子夜。
歡逾洽。得句陽春。和轉稀。檻外花明。知月上。座
中香散。覺雲依。鳳池仙史。還乘興。爽氣橫來。玉
屑飛。

燕臺雜感

金風蕭颯。動離憂。短髣逢秋。悔遠游。璧月近臨。

鵲觀銀河。直接鳳凰樓。悲笳慘澹。征人淚。錦
瑟纏綿。思婦愁。長鍊空彈。羞語拙。漫嗟王粲。滯
荊州。

感懷

寒風吹短袷。歷馬嘶朝霜。客子風塵中。顧影悲
初陽。濩落四十載。何以寄行藏。登高絕攀躋。渡
遠無舟梁。日暮風蕭蕭。悲歌徒慨慷。

其二

搔首出門去。蓬蒿滿路衢。白日照寒烟。涼颼逼
微軀。登高左右望。日暮路崎嶇。道長羽翼短。何
以返東吳。

其三

置身九州內。俯仰自悲傷。日月相摩盪。山水且
翱翔。一從故人別。不復念河梁。十年遠行役。蹉
跎鬢已霜。綿綿思遠道。壘壘望故鄉。孤禽向天
末。北風淒以涼。

其四

涼風起天末。危柯載寒霜。茫茫一俯仰。榮華安
可常。願得根深固。零落不摧藏。飄搖匪自今。松
栢翳蒼蒼。勿以蕭艾榮。棄此蘭桂芳。

其五

清光蘊貞抱。坦然心跡齊。勿言萬事艱。任運得
天倪。長慮耗我神。守愚道不迷。強弱同徂喪。千
古永不移。月照郭隗臺。霜清越石雞。但求無愧

作何必重栖栖。

其六

栖栖夜不寐。攬衣視星光。星光浩澹蕩。中夜起
欒櫓。芒角耀五旬。旋轉歷三方。天象方畏人。地
變益徬徨。達人識至理。誰云兆不祥。

天壽山登眺

少壯輕遠游。躑躅燕山道。靈岩表地德。曠望雲
霞妙。盤礴窮形勝。襟帶峯巒峭。落日暮雲平。夕

陽掩餘照。俯仰思無窮。凌風托長嘯。

度歲偶成

天涯飄泊漫胡盧。草草辛盤問有無。身在尚思
酬國士。舌存何計慰妻孥。他鄉臘盡銀缸冷。故
國春回芳樹孤。前路窅然莫可托。惟餘潦倒似
狂奴。

擬古

作客此閒居。故人日云遙。風雨疎白髮。江河夢

中書集
七
漁樵故園宿秋草。離居同懷抱。還望鬱壘壘。天涯誰可道。

望雲歌

望吳門兮雲油油蔽白日。今昏丹丘塵迷漫。今無涯風飄忽兮不休。鴟鴞兮昏叫鸞鳳兮莫儔。佇立兮徘徊行邁兮離憂。嗟療飢兮旅食哀御冬兮敝裘雲來兮縹緲雲去兮淹畱。故鄉斷兮路悠悠。臨高四望兮風颭颭。

艷歌行

西北有浮雲。冉冉蔽白日。游子暗傷心。耿耿憂無極。東南涼風生。還爲浮雲翼。浮雲瀾以漫。游子哀以泣。泣下不成行。涕零嗟何及。遇有素心人。謂我且勿泣。涼風有去來。浮雲有消息。但得長久心。白日豈終匿。

燕歌行

東風搖搖衆草芳。河水溶溶淵魚翔。鳴禽啾啾

游子傷山川悠悠限河梁。念我客游三履霜。淹
留何用悲故鄉。鬱鬱壘壘空斷腸。月明皎皎照
羅裳。含愁不寐泣數行。絃歌逸響何悲涼。慷慨
餘哀度曲房。一唱三歎殊未央。懷哉客子神悽
愴。攬衣出戶獨徬徨。俯觀仰視思茫茫。別離誰
念天一方。生當來歸愛景光。蓄意莫伸勿摧藏。
但願君心不暫忘。時有飛雁來衡陽。

、居庸關

沓嶂含青冥。重巖掩夕曛。龍沙懸漢月。鳳闕遶
秦雲。戎馬驚飛度。雄關稱絕羣。長城千萬里。紫
氣舊氤氲。

上谷

擁衛神京古上谷。萬壑千巖控地軸。黃花獨石
亘綿延。龍山羊水相迴複。鳳闕還吹萬里風。秦
隴忽逐中原鹿。城闕依然雉堞全。人物依稀舊
邦族。武皇樓上映夕陽。市女猶作于闐粧。回首

可憐歌舞地。棲鴉衰柳暮雲黃。

雲中

昔聞雲中郡。今歷雲中險。左連上谷衝。右逼黃河淺。背臨燕薊近。吮扼龍沙遠。建領大漠清。纍培重邊偃。李廣不封侯。魏尚來何晚。倚劒游天末。倦懷徒展轉。

白登

塞外崇巖障。莎草野雲馳。邊風來塹谷。朔氣何

瀾瀾。遙指白登臺。岑翠聿險巖。大漠曠蒼茫。烟雨暮棲遲。去國易爲感。淪飄淚暗滋。白日下午川原。猶是惜閼氏。

霍州道上遇雪

走馬霍山下。同雲迷峻嶺。日暮北風寒。飛雪相馳騁。瑤華千萬里。壁海流光景。中路愁何限。旅夜徒耿耿。僕御共蕭條。燈昏枕席冷。年徂道無聞。休焉抱深警。

早度蒲關

晨星凌古渡。曉霧濕征衣。蒲坂日初照。臨川露未晞。津亭今寂寂。古道獨依依。沙岸橫關隘。河流入海沂。蕭蕭行侶倦。落落壯心違。四海長爲客。孤游豈念歸。莫愁前路窄。蕩漾有朝暉。

臨洮謁楊忠愍公祠

洮水潺湲流不住。荒烟衰草迷前路。誰問楊公舊講堂。當年祠屋還如故。孤臣遺像肅簪裳。英

風烈氣競激昂。謀國經邦識未然。一腔心膽勵冰霜。馬市忽開舉國愁。九邊隱禍獨持籌。誅嚴諫草今還在。萋弘血碧無人收。

清明日超然臺步黃長弟韻

邊陲寄跡兩清明。勝日登臨暢逸情。斜谷陰陰寒澗細。平蕪漠漠暮烟輕。殊方令節韶光好。去國經年別思盈。更有臺前飲恨事。孤臣遺淚酒飛觥。

臺爲楊忠愍講學地故云

九日同黃克孝登雪溝寺

聯翩結駟夕陽中。巖谷蒼茫萬壑空。溝積凝冰
炎氣薄。寺臨絕澗曠觀通。來游共領餐霞趣。進
酒還追落帽風。酬倡偶然無好句。自憐潦倒梵
王宮。

定羗驛謁廖忠毅公像

空城寂寞留殘碣。郵亭猶記古剛烈。國事搖搖
莫主張。惟公正氣丹心熱。抗論皇嗣定綱常。氏

羗一去潢流徹。抱罕偏遠增慘悽。地因人重共
傳奇。前有大紳後椒山。與公聯跡並栖栖。滔滔
洸水流今古。三公聲望鎮西陲。

寧河謁鄧武順王祠

勳名驚海甸。絕塞著尊崇。士庶瞻依切。番羗企
望同。河流千嶂外。雪積萬山中。客子登臨日。徘徊嘆路窮。

河湟鎮邊樓讀解大紳先生詩碣

抱罕偏遠地。何來一片石。徘徊曠周覽。似與峴
碑匹。千古傷心事。賢豪多困厄。懷抱鬱不紓。登
高徒咄咄。先生經濟才。匡時建勳策。來此托長
嘯。城陴峙殘碣。莎草走龍蛇。淒風共悲咽。遺堞
多餘墓。一行昭古色。

積石關

雄關積石勢凌空。萬古安流載禹功。浩浩泉源
來域外。滔滔逝水去寰中。山連四塞邊聲壯。路

轉千層鳥道通。游倦尚餘登覽興。憑高指點思
無窮。

湟中

願識西方美。言從天末游。湟中真絕塞。雍界極
方州。星宿餘波近。崑崙來脉悠。川原騰朔氣。岐
路入關愁。日落邊聲動。雲橫峯影收。深春時對
雪。當暑共披裘。異域梯航集。殊方車馬稠。葡萄
天竺獻。瓊蜀月氏留。回紇牽神駿。樓蘭驅兕牛。

漠庭無羽檄。荒徼走琳球。重譯通軍壁。雙旌老
戍樓。控弦金井暗。吹角玉關秋。彈鋏知無爲。行
謠詎有求。丈夫須勵志。投筆自封侯。

允吾道上

塞上惟霜雪。連山凍白雲。馬蹄秋蹀躞。游騎日
紛紜。邊靖烽臺古。天高國政分。栖栖荒徼外。萬
里惜離羣。

金城關

山。關在蘭州河岸之北。相傳爲充國上方
略處也。關隘雖廢。基址猶存。時民間正
苦輓運。悵然有述。

依山阻水限羗戎。七十元臣此建功。買犢千家
休轉粟。荷鋤萬井壯彫弓。只今衰柳籠殘月。不
見嘉禾吹曉風。方畧競傳人事改。戍樓傾側夕
陽中。

清明日五泉感懷

中興集
五
皐蘭名勝地。五泉踞其最。山水耳目新。芬芳花木蒼。飛瀑散珠璣。嫩綠青岑繪。亭榭依岷嶂。曲徑臨烟靄。當春足游賞。祭掃適其會。歌哭遍原麓。雜沓紛車蓋。客子久飄零。對景思無賴。孤雲共飛鳥。上下無所碍。天地有自然。嗟余垂進退。

秋日游五泉

閑身無着恣游歷。秋氣蒼涼意亦適。杖履逍遙山復山。翠微臺榭倚空碧。樹杪重泉鳴晝夜。烟

雨霏微雲五色。倦游豈有驚人句。登臨徒憶天台賦。婆娑待月佇危岑。四壁濤飛豹隱霧。

誌公菴步上官民部韻

懸崖飛瀑瀉潺湲。空谷遺音已寂然。剩有禪燈垂淨界。曾無梵語響諸天。雲棲石戶迷新露。鳥起寒林破曉烟。羨爾農臣饒逸興。探幽得句證長年。

摩雲嶺

峻嶺高無極。崔巍接太空。天低邊氣合。路險客
愁通。歸犢來雲外。啼鳥出霧中。驅馳何所事。潦
倒思無窮。

再過鳥鼠山

兩過鳥鼠山。俱在風雪中。欲問同穴處。谿路遠
空濛。憶昔讀禹書。恍惚疑天宮。來此重經行。四
望山童童。飛鳥無棲枝。鼠穴應已空。渭水指東
流。隴雲迷蒼穹。傷哉遠游子。何地寄行蹤。

經秦州有懷少陵草堂
草堂何處是。高咏至今傳。避地青門路。懷君白
雪篇。竹寒棲宿雨。沙碧走晴烟。登覽知何日。長
吟馬不前。

望嶽

古今壯遊莫不以登華岳爲觀止而好
高嗜奇之士猶以至青柯坪而止者爲
陋余雖兩過華陰不惟不能登其顛而

曠覽并不能一至青柯坪而仰止焉陋
更何如也

秦隴多危坡。嶮巖極崩峭。皆得策馬游。臨崖托
長嘯。崔巍翊造化。無過華嶽妙。自古耽奇人。咸
此展清眺。峻嶒高及天。蒼翠翳海嶠。連峯周侍
列。參差廻餘照。玉女並蓮華。仙掌明月耀。遠近
指顧間。仰瞻虛窈窕。問天李白狂。絕書韓愈悼。
咫尺艱跬步。棲遲竟未到。偃蹇力不強。啞然徒

自笑

宿石壕

夜宿石壕村。檢詩偶讀石壕篇。老杜當年憂思
多。握筆呵天語澁酸。吾今來此時非昔。吟詩問
俗心惻惻。寂寞荒村啼夜烏。風寒吹落屋梁月。
月落雞鳴起束裝。晨星落落曉風涼。從來征戰
傷生氣。悲歌豈是漫荒唐。

出函谷關

走馬西游欲到天。歸來東望路漫漫。函關紫氣
無消息。敗壁崩城尚儼然。關門令尹知何在。行
人猶是問泥丸。行行古道春將晚。長鋏空彈無
近遠。日暮垂鞭任馬蹄。孤雲縹緲何時返。雲山
無處不關情。放蕩天涯憂思深。

過河陽

彈鋏長驅亦偶然。車停花縣想當年。蕪城尚有
青山色。游子曾無白雪篇。秦隴西來雲九萬。勾

吳東望路三千。荒郊野店雞聲月。潘陸風流付
曉烟。

過聊城魯仲連射書處

聊攝古巖疆。殘壘朔風涼。燕齊多積怨。甲馬競
飛揚。何來東海士。搖筆掃機槍。相傳遺跡在。霜
月夜蒼蒼。

過東阿有懷曹子建

子建崇封處。東阿自古聞。城空罕祠宇。天濶有

停雲水會天津渺。山連塞日曛。驅車芳草暮。遠
憶思紛紛。

登太白樓

觴咏畱名勝。樓懸城一隅。荷香君子共。酒冽聖
人俱。慈鬱長安近。蒼茫秦岱孤。登臨饒逸興。俯
仰重嗟吁。

登泰山

泰山鬱崔嵬。作鎮崇九州。振衣登絕巘。直向天

門游。籟響空壇靜。松明洞壑幽。秦碑照海月。日
觀耀丹丘。曠望乾坤小。長風萬里流。青童並玉
女。掩映下瓊樓。奮飛欲往從。天梯杳難求。側身
霄漢間。悵悵暮雲秋。

歷下亭

濟上名泉七十二。珠沫瀑噴饒奇異。浩汗澄泓
漾夕暉。歷亭河畔清幽思。歷下亭前水清淺。波
光瀲灩荷香晚。城市村墟相掩映。明湖一曲秋

中書集
光遠雲橫洲渚景浮沉。爽氣西來滌素襟。深柳
依依飛乳燕。石橋斷岸帶疎林。偶來亭畔歸鴉
散。天寒日暮聞清砧。

登白雪樓

風雅于今數歷山。書樓寂寞共追扳。岳光緯繞
浮窓外。海色蒼茫入座間。遊子偶登增遠慕。昔
賢高咏重人寰。雲封廢苑餘文藻。靜聽流泉夜
雨閑。

歷山寓齋喜黃雲孫再至

歷下重逢正暮秋。明湖水漲共扁舟。汪汪千頃
人俱羨。落落孤踪我自愁。旅舍菊黃驚歲序。空
庭露白助離憂。相期且醉東山月。莫憶吳江有
舊游。

登雲門山

旅思屬高雲。他山展清眺。巖壑曠襟期。登陟驚
崩峭。層巒鬱險巖。林木疑員嶠。石棧自天成。雲

中興集
窩鬼斧造東觀滄海波浩渺迷清照仰視流虹
景明滅相暉耀何必問岱宗方知齊魯小信足
托幽棲慮澹心神奧曠望無終極懷古舒長嘯
范公泉
北海清流遠空庭雨露長高風誰浩蕩澤潤自
汪洋林木含朝旭川原宿景光坐看汲飲處一
勺有餘香

過穆陵關

齊南舊封城古道暮蒼涼郊館倚空壑山樓俯
大荒朱霞映白水春草勵秋霜憔悴風塵日經
行思更長

金陵懷古

鍾山王氣何時歇甲第連雲舊闕闕當年王謝
競繁華今日風流還未絕華林草樹鬱蒙茸臨
春閣上照明月月落秦淮紫氣浮曉烟澹蕩漾
虛舟亭榭參差列雲錦海霧江濤控石頭石頭

城上烏啞啞。幕府山前渡五馬。客子愁看江上水。東流汨汨我心寫。

秦淮泛舟

秦淮水漲暮烟浮。客子乘閒汗漫游。夾岸亭臺蓬島外。傍河鼓吹曲江頭。花飛舊內千門曉。月映高城萬里秋。桃葉渡頭風雨歇。幾人共泛李膺舟。

夜泊金陵江口

金陵夜泊船。返照雜江烟。王氣當年古。客心此日懸。遠帆潮共落。孤嶼月同圓。隔水高歌者。怡情溢大川。

江行遇雨感懷

涼風吹微雨。江帆帶霧飛。昏慘迷朝夕。華月絕清暉。耳目無所適。懷古意多違。客游倦登陟。風潮誰與依。動息難爲慮。行止任天機。

采石曉發

泛舟江上曉雲黃。秋風澹蕩霧蒼茫。烟濤掩映
搖空碧。采石臨流客思長。旅人估客恆相憶。錦
帶宮袍雲五色。詩酒堪酬山水清。江聲湍激情
無極。夾岸芙蓉無處采。木蘭舟上人何在。江天
寂歷動朝光。磯前明月應空載。

過小姑山

小姑山下水湯湯。鎖鑰中江對馬當。山水兩奇
稱絕險。溯流何事說瞿塘。

過彭澤有懷晉處士

夙仰陶元亮。今來彭澤城。青山兩岸出。白水一
江平。籬菊可猶耀。溪田誰復耕。幸逢秋月好。把
酒寫孤情。

湖口縣作

荒城隨岸折。江湖此地分。怪石瞰潭影。秋陰繞
夕曛。遠帆雜江樹。餘照映孤雲。月出鍾山靜。風
來夜氣清。何年蘇學士。重此坐江濱。

望廬

江行千里風濤急。轉入鄱陽烟雨碧。羣峯磅礴
長隨舟。匡廬秀出乾坤闢。沓嶂迴巒迷玉京。雲
樹蒼茫隱日星。佇望遊仙青冥隔。天路依微浮
太清。石鏡香爐指顧間。巖岫崢嶸遠及天。山色
湖光漾華月。瑤臺銀闕夜光寒。

登滕王閣

層閣凌城起。登臨及暮秋。王孫畱勝跡。開府壯

清遊。南浦雲無際。西山雨欲流。蒼茫洲渚晚。目
斷旅人愁。

其二

勳業何年事。文章千古傳。江山舊雲物。樓閣幾
烽烟。酒酌宜高月。歌興感大川。汎舟章水濶。沙
鳥共蹁躚。

豐城懷古

揚舲曲江渚。遙望劒池津。池上草蕭瑟。瀨氣滌

飛塵茫茫我何思。山水資清真。章貢水沿洄。溪
光映綠蘋。嘆息山水間。上下豈無人。

十八灘口占

中流怪石碧嶙峋。夾岸巉岩空翠新。風雨蒼茫
三百里。九天環珮送行人。

其二

清波澄碧靜潺潺。水石參差瀑噴間。鎮日晴江
聽驟雨。春潮平處鳥間關。

贛州至南安溪行三百里途中作

溪流汨汨清且漣。洲迴岸折屢盤旋。驚湍奔瀑
噴銀浪。鱗鱗錦石泛寒泉。榜人利涉飛篙櫓。咿
軋中流聲許許。望斷庾關梅信宿。渺渺余懷憶
故土。綠水蒼山粵路長。忘歸游子肆翱翔。瞻彼
嶺雲高及天。滔滔江漢限河梁。

度嶺

褰帷來海嶠。策杖共攀躋。地由吳楚近。道入嶺

雲低巖巒鬱蒼翠。谿谷饒清暉。鎮城餘歆堞。梅
蕊亦依稀。瘴烟隔登覽。迴望故山迷。游子家何
在。日暮競思歸。

端州遇朱子容同蔣左箴作

客路逢佳士。南荒足晤思。鴛湖儲白璧。炎海采
江蘼。氣逐秋濤壯。情開嶺色奇。蠻烟愁萬結。未
得酒盈卮。

高涼道上

萬里越裳游。颶風吹敝裘。瘴開銅柱出。霧結火
珠收。叢竹依山轉。蠻歌夾路謳。日南風景別。行
矣莫淹留。

其二

旅次惟椎跣。驅車問土風。木棉溫塞北。椰酒醉
江東。路轉孤墟盡。山連百粵通。浪游迷遠近。日
暮思無窮。

其三

岐路谿山晚。榕枝結里門。茅茨臨斷岸。宿莽繞孤村。杖策來荒甸。棲遲忘故園。共言豺虎暴。勿問瘴烟燔。

過溫泉寺

夙念林泉好。所嗟俗慮牽。雖逢巖谷景。未協丘中緣。杖策游南荒。高涼地自偏。踟躕茂嶺下。躑躅鑑江邊。海昌盛丘壑。蹊徑翳雲烟。遠峯緬蒼翠。近嶺鬱芊眠。叢蘭被廣澤。桂樹茂晴川。蜃光

橫縹緲。電影曜南天。川塗曠逶迤。巖穴溢靈泉。喬林涵紫氣。丹乳注潺湲。驚宮飛霞彩。貝影覆青蓮。來游樂欣賞。投足滌煩羶。如沃丹砂液。還思鴻寶篇。翠華未可望。暫爾學逃禪。

鑑江亭和吳明卿先生韻

亭上仙人去不迴。江邊樓閣若爲開。潺潺鑑水烟霞繞。寂寂觀山風雨來。爛熳瑤華消瘴癘。依稀海市見蓬萊。登臨猶是懷勾漏。日落寒原楚

客哀

謁范祖禹墓和吳明卿先生韻

孤臣遺塚野雲封。憑弔欲歔寄遠蹤。古木蒼涼懸日月。荒臺風雨走蛟龍。名垂炎海人如在。骨葬窮荒道莫容。欲起九原難告語。心傷坏土淚痕重。

中秋日同郭臯旭屈翁山蔣左巖鑑江泛舟

鑑江寂寞久。重泛烟霞客。待月聊舉觴。今夕是何夕。金飈吹蕙草。湛露凝空碧。清光出絳霄。灝氣散瑤席。佳人婉清揚。流暉被廣陌。良會豈知疲。觀山藐姑射。坐愁芳桂晚。俯仰傷今昔。瘴海稅塵銜。褰裳奉麗澤。

贈郭臯旭

伊余駘蕩久。惟君盛壯游。意氣薄雲漢。高懷美唱酬。相逢炎海曲。握手慰離憂。勁翮無棲枝。夜

光悲暗投。天涯芳草歇。喬木女蘿糾。欲渡河無
梁。日暮寒波流。漂泊無終極。曠望神仙舟。思附
冥鴻翼。一舉臨滄洲。

贈屈翁山

油油天際雲。光華遍九州。冉冉歸巖壑。澤潤被
林丘。適逢皎皎月。白露零清秋。華木鬱蒼翠。澄
川萬里流。夙負餐霞志。欲邁良無由。清暉徒在
目。浩渺安可求。循塗或不遠。願共棲羅浮。炎海

盛仙島。望洋起暮愁。

贈別陳元孝

忠孝平生事。哀哉志士心。茫茫何所思。慷慨臥
幽林。日夕嗟遲暮。與世共浮沉。一身任千古。曠
然絕知音。蒼茫雲海間。相視不勝情。孤雲嘗在
目。海月共披襟。臨岐無以贈。徘徊憂思深。

戴怡濤別駕邀同蔣左箴陪吳觀莊黃長
第兩刺史游柑園作

柑園非園也。去高涼城北三十里巖谷
民居悉藝柑樹。秋冬間朱實纍纍四望
爛然。殆不殊赤城之霞。起芬芳之氣。襲
人襟袖。不假亭榭樓臺。而山巖曲徑。清
流引帶。金谷蘭亭。不是過也。荒郊林麓。
而得以園名。蓋天然之勝云。

初冬寒氣薄。山木微銷落。堂前森玉樹。蔦蘿共
參錯。長風萬里來。零露相盤礴。投分慕容光。懔

慨重然諾。結隊野游行。郊原張翠幕。平陸引長
流。岡巒列丹腹。珍木鬱菁蔥。橘柚盈巖壑。朱實
遍川原。纍纍繁華萼。晚風拂茂草。涼月乘飛閣。
清景相暉映。賓從咸和樂。舉觴展嬾婉。怡情欣
有托。好鳥鳴深林。潛魚縱游躍。歸來漾月明。扁
舟從李郭。清湍含藻景。高崖鳴鸛鶴。孤舟泛寒
波。怒焉傷漂泊。翹首奮翱翔。徘徊望寥廓。

月夜同觀莊怡濤左箴從柑園泛舟歸口

占一律

策馬晴雲曉。歸舟月色新。山川蟠越嶠。草木雜
冬春。海外尋金谷。風前倚玉人。招尋真不爽。酬
唱合松筠。

贈吳觀莊刺史

南巴客舍秋光好。北海清樽接罷倒。雷陽太守
讓王孫。英才逸興風雲掃。君家意氣舊雄豪。視
草明光聲望高。分藩出鎮重邊守。政成到處浥

流膏。十年半面渾如昨。上谷中山張翠幕。只今
露冕走高涼。風流不減荀鳴鶴。相逢爲樂歡未
央。爭臯角勝白晝長。坐連玉樹忘炎瘴。人接冰
壺數舉觴。冰壺玉樹交相映。座中冠蓋今時盛。
羣公哀哀盡賢豪。何如雷陽太守意氣輕劇孟。
贈戴怡濤別駕初度

瑤臺璨霞錦。蓬海秀琅玕。縱目三山道。褰裳五
嶺寒。清風來鑑曲。麗日到南潘。泥軼雲中見。屏

中書集
星天上看文章開象郡。家世本龍蟠。風雅推江
左。才華出建安。傳臚從玉殿。累席向金鑾。化俗
文兼行。分符政濟寬。琴樽留夜月。翰墨紉秋蘭。
冰雪生官舍。芳菲襲韻壇。仁聲垂粵表。治術重
朝端。會見珠還易。誰言刀佩難。使星明海屋。真
氣逼郎官。葭候徵初度。陽升舞彩鸞。爲歌將進
酒。喜得共盤桓。

高涼署齋感懷

生年托足吳江邊。勤勤樵牧思悠然。何知雲雨
頓反覆。天涯漂泊浪垂鞭。駘蕩難招放逐魂。壯
心若與風塵緣。十載燕臺思駿骨。雲中上谷漫
盤旋。朔風栗冽貂裘薄。鷦鷯百結自年年。昨歲
玉關赴東魯。今來彈鋏走南天。天南氣候殊西
北。晨昏寒暑恒不一。冬草青青花萼繁。芳鮮如
沐皆春色。翠釜金罍連繡幄。火珠白雉交衢側。
珊瑚瓊樹越裳貢。雲綃錦組鮫人織。高涼僻處

海一隅。叢篁苦竹路崎嶇。巨麗深藏彩藻隱。枕
櫛垂結啼山呼。仙巖寂寞無丹訣。鑑江渺渺獨
愁余。回首故園安在哉。肝膽猶存歸去來。出門
惘惘無知己。天涯何必強遲迴。

除夕前一日飲戴怡濤署中同黃長弗蔣
左箴作

海外年將盡。衙齋聽嘯鶯。主人能劇飲。游子獨
含情。鼓瑟增搖落。爭臬每抗衡。且添商陸火。莫

問歲重更

新正三日同黃長弗蔣左箴重集戴怡濤
署中作

春至官衙暖。花香酒復清。興酣將十日。談笑輒
三更。鈎月藏銀漢。長風轉玉衡。孤雲天外斷。悵
望若爲情。

雷州

野外荒烟合。城中瓦礫稠。蠻雲連象郡。瘴雨接

珠丘海上征帆遠。天涯倦客留樓遲。淨湖曲。彷彿二蘇游。

贈別吳觀莊

客途淪落久。炎海會班荆。晚合松筠契。高含雲漢情。銅鞮山簡醉。驛路鄭莊名。此別誰青眼。曰歸罷遠征。

贈別時彥龍

失路羞彈鋏。重逢炎海濱。依人秦粲老。戀國楚

儀貧。干謁違初志。猖狂得旅情。何時重握手。相拂舊風塵。

贈別黃長弟

飄泊歸無計。相依逾十年。塞垣共冬雪。炎海站飛鳶。爲有高堂憶。重教知愛捐。勞君治行李。回首更潸然。

其二

冠蓋誰云少。無如桑梓賢。相期真不淺。此別實

堪憐裝有愁千斛。歸惟月一船。尚餘皮骨在。到處望雲天。

贈別蔣左箴

三年同作客。萬里共馳驅。北海猖狂日。南天痛哭時。風塵老顏色。山月照鬚眉。飄泊從來慣。幾忘兩鬢絲。